



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

16 Août 2019

14 Dhul-Hijjah 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : **FAVEUR DIVINE À HAZRAT IBRAHIM (AS)**

Dans le cadre du mois de Hajj (*Dhul-Hijjah*) mo Khutba Jummah d'aujourd'hui, après Eid-ul-Adha (*Bakr Eid*) – le 12 Août 2019 – ki ti célébré Lundi dernier, li lor la faveur divine ki Allah fine accorder à Hazrat Ibrahim (as) et couma par la suite la faveur de l'apostolat (*Nabuwwah*) fine donner pour tous les temps dans l'Ummah de Hazrat Muhammad (saws).

Mo bizin dire aussi ki suite à mo l'article ki ti paraite lor journal '**Le Mauricien**', jour *Bakr Eid* même (en Français), ena bane dimounes de bane les autres religions fine faire bane commentaires déplacer lor l'Islam, et même fine attaque l'honneur de Hazrat Ibrahim (as) et fine condamne pratique de touye zaimo. Ena ki pas croire même dans le but de la religion, et de croyance en Dieu. Alors, sa bane kalité dimounes là, zot dire ki l'Islam fine copier lor pratique de bane dimounes avant l'Islam.

Alors, mo ti envie réponde sa bane questions là avant ki mo alle lor le vif de mo Khutba Jummah d'aujourd'hui ki aussi li ene réfutation pou zot, ki préserve l'honneur d'Abraham (as), ainsi ki l'honneur de tous so bane zenfants et de so bane madames légitimes et honorables.

L'Islam li sans aucune doute une façon de vivre modèle. L'Islam ti bel et bien exister depuis le commencement de l'existence de l'humanité. L'Islam veut dire soumission et paix au Dieu Unique, ki pas ena aucune partenaire dans So l'adoration. L'Islam ti façon de vivre de tous bane prophètes honorables de Dieu. Mais seulement, c'est avec la venue du Saint Prophète de l'Islam ki Dieu Li-même fine donne une nom à so la foi et façon de vivre et religion, kot Li donne li et tous so bane suivants ki pou sincères et droites (justes), l'**ISLAM** comme religion officielle et fine appelle zot officiellement bane Musulmans (bane ki soumette à Dieu l'Unique en paix et ki répanne la paix aussi).

Bane pratiques couma garde carêmes, et faire le pèlerinage ti exister avant la venue du Saint Prophète Muhammad (saws), ti exister dans l'époque d'Abraham (as) et de so garçon Ismaël (as) kan zot ti monte fondation La Maison Sacré (la Ka'aba) et ki zot ti pé fer le *Tawaaf* (tournées) autour de la Maison, en priant une seul Dieu. Mais selman couma mo ti dire dans mo Khutba Jummah vendredi dernier, après zot l'époque, après plusieurs l'années, bane dimounes ki fine vine après zot, fine tombe dans le piège de Satan et fine commence adore bane idoles en oubliant le Dieu Unique. Malgré zot croire dans Allah (Dieu l'Unique), mais zot fine place bane les autres idoles dans So l'adoration.

Et mo bizin préciser, ki le Hajj couma enseigner à Hazrat Muhammad (saws) li une perfectionnement du pèlerinage, une pèlerinage ki juste et parfait et ki honore bane rites à Allah ki Abraham et Ismaël (as) ti faire. Li une perfectionnement du pèlerinage ki pou contigner exister jusqu'à la fin du monde. C'est sa le Hajj islamique. Li commémore et honore tous bane rites légitimes et honorables de tous bane prophètes de Dieu. L'Islam li la seule religion ki accepter tous bane prophètes de Dieu, et honore zot, et non pas calomnier zot. En fait, Dieu content tous So bane messagers.

Et la semaine dernière mo fine cause longuement lor le sacrifice de bane zaimo, ki faire nous bizin faire sacrifices. Lontan, malheureusement, dimounes ti pé faire sacrifices humains. Si bane ki pé critique l'Islam et même bane ki critique Abraham (as) ti vive dans sa bane l'époque barbare là, alors c'est pas sacrifice zaimo ki ti pou ena, mais bel et bien sacrifices humain. Mais Dieu, à travers Abraham et Ismaël fine mette une terme à sacrifice humain. Li fine servi zot comme bane modèles par excellence de sacrifices et fine enseigne bane musulmans et l'humanité toute entière ki c'est sacrifices animal ki acceptable

dans So lizié et non pas sacrifices humains, dans façon verse disang d'ene dimoune. Sacrifices humains ti pé faire pou plaire à bane idoles, ki bien condamnable aux yeux du Dieu Unique.

Dans Quran Shareef (le Saint Coran), Allah rapporte ene l'évènement ki fine quelque peu rapporté aussi dans l'Ancien et le Nouveau Testaments. Sa l'évènement là li concerne bane plusieurs épreuves ki Allah fine faire avec Hazrat Ibrahim (as) lor certains bane kitchoses, et kot Hazrat Ibrahim (as) fine passe tous so bane testes (épreuves) avec distinction. Le Quran dire : **« Et Kan Allah fine éprouve Ibrahim par certaines paroles et ki li fine accompli zot, Li dire li (Ibrahim) : « En vérité, Mo pou faire toi vine ene chef (Imam) pour bane dimounes. » Li (Ibrahim) dire : « Et [concernant] mo descendance ? » Li (Allah) dire : « Mo pacte pas concerne bane méchants (Zaalim). »** (Al-Baqara 2 : 125).

Li clair ki comme Ibrahim (as) fine accompli bane l'ordres de so Seigneur, de même, Allah, étant satisfait avec li, fine faire ene pacte avec li à propos le fait ki *Imamat* (c'est-à-dire, *Nabuwwah* – la prophétie) pour être établi parmi so bane zenfants à condition ki sa bane là pas vine bane méchants (*Zaalim*), bane ki faire du torts.

Ki bane descendances de Hazrat Ibrahim (as), et de ki façon Allah fine accompli So promesse ?

Nous bizin rappelle ki ena deux lignées principale de bane zenfants fine sorti de Hazrat Ibrahim (as) : ene par Hazrat Ismaël (as), qui fine répanne dans bane pays arabes et l'autre, par Hazrat Isaac (as), et la famille de Jacob (*Yaqub*) ki fine répanne dans Palestine et bane pays avoisinants.

Nous appelle premier lignée là bane Ismaélites, et deuxième là, bane Israélites. Certains tribus israélites ti aussi établi dans l'Iran (la Perse), Afghanistan etc. Kan bane idolâtres ti faire zot bane mauvais plans, bane plans criminel pou jette Hazrat Ibrahim (as) dans difé, alors Hazrat Ibrahim (as) ti adresse Allah ene *duah* pour ki Li (Allah) donne li bane zenfants pieux ki pou capave vine so bane bons héritiers, bane ki dignes de li, dignes pou vine so bane héritiers et ki pou poursuivre so mission.

Quran Shareef dire : « **Donc, zot fine fer plan pou tendre li ene piège, mais Nous fine humilier zot. Et li (Ibrahim) dire : ‘Mo dirige moi vers Mo Maître ; Li pou certainement montrer moi le droit chemin. Ô mo Maître ! Accorde moi ene zenfant ki pou juste (ki pou parmi bane bons dimounes).’ Nous fine annonce li la naissance d’ene garçon avec ene tempérament douce. »** (As-Saffat 37 : 99-101).

Hazrat Ibrahim (as) ti vine casse tous bane idoles et rétablir l’unicité d’Allah. Bane idolâtres ti faire bane plans pou touye li, mais Ibrahim (as) fine réponde zot avec le plus grand l’assurance ki zot pas pou capave faire obstacle à so mission, parski Allah pou certainement (sans aucaine doute) guide li. Mais en même temps, li ti ressenti ki sa bane dimounes là ti pou capave vraiment touye li, alor li fine supplier Allah pou donne li ene garçon ki pou capave contigne so mission. So duah fine exaucé et so premier zenfant, Hazrat Ismaël (as) fine né.

L’Ancien Testament cause de sa la prière (*duah*) là et couma Allah fine exauce li. Fine mentionner : « *Après sa le Seigneur fine cause à Abraham dans ene vision, et fine dire li : ‘Pas gagne tracas, Abraham, Mo to Protecteur, et to récompense pou infiniment grand.’ Abraham réponde Li : ‘Seigneur Mo Bondié, ki To pou donne moi ? Mo pou mort sans zenfants ; et Élièzer de Damas li l’héritier de mo la caze. Abraham dire : Pour moi, Ou pas fine donne moi aucaine zenfants ; alors garçon de mo serviteur pou vine mo héritier.’ Le Seigneur fine réponde aussitôt : ‘Celui-là pas pou vine to héritier ; to pou gagne comme héritier celui ki pou né de toi.’ »* (Genèse 15 : 1-4).

« *Et l’Ange du Seigneur dire à Agar (Hazrat Hajra (ra)) : ‘Mo pou multiplier ou postérité de telle sorte ki li pou en grande quantité ki pas pou capave compter.’ Et li continuer dire li : ‘Ou enceinte maintenant, et ou pou gagne ene garçon, et ou pou appelle li Ismaël, c’est-à-dire, Bondié fine tender, parski le Seigneur fine entendre le cri de ou malheur. Li pou ene dimoune fier et **sauvage**, li pou lève la main contre zot tous, et zot tous pou lève la main contre li ; et li pou dresse so la tente devant tous so bane frères.’ »* (Genèse 16 : 10-12).

Ici le mot « **sauvage** » fine employé dans le sens de liberté et d’Indépendance. La Bible en Urdu employe le mot « *Azad* » (libre). Ena là-dans ene très grand prophétie :

- (i) La postérité de Hazrat Ismaël (as) pou innombrable ;

- (ii) Ismaël (as) pou dresse so la tente devant tous so bane frères ; c'est-à-dire, so lignée pou ferme et malgré l'hostilité de beaucoup, personne pas pou capave détruire li;
- (iii) L'époque de so ascendance et de so puissance pou commencer kan li pou lève la main contre zot tous et zot tous pou lève la main contre li, c'est-à-dire, de so postérité ene prophète pou surgir, ki, de par so message universel, pou bouscule tous bane les autres croyances et alor zot tout pou maryé-piké contre li ;
- (iv) Li pou libre, indépendant, et de sa grand l'opposition ki li pou rencontrer, li pou sorti victorieux, c'est-à-dire, li pou sa roche ki pou écrase celui lor ki li tomber, et celui ki alle tombe lor li pou fini nette.

Maintenant, mo arrive lor deuxième lignée ki sorti de Hazrat Ibrahim (as). Après la naissance d'Ismaël (as), Abraham (as) pas ti ena aucaine l'espoir pou gagne ene l'autre zenfant. Mais Allah ti oulé ki Sarah (ra) aussi gagne ene zenfant pou Hazrat Ibrahim (as). Donc, kan Allah fine prend la décision pou détruire le peuple de Lut (as), Hazrat Ibrahim (as) ki ti ena ene lécoeur tendre fine prier Allah pou épargne sa peuple là. Mais Allah fine dire li ki sa peuple là ti tout à fait corrompu, et Li fine informe li ki Li pou sappe bane quelques dimounes bons ki trouve parmi zot, et en même temps, Li fine donne li bon nouvel ki so famille pou mette au monde bane dimounes pieux. À cause Hazrat Ibrahim (as) fine ressenti ene douleur kan li fine apprane la destruction du peuple de Lut (as), Allah fine annonce li la nouvelle d'ene postérité ki pou pieux.

Kan bane anges fine apporte la nouvelle de sa punition [ki pou abatte lor le peuple de Lut (as)], Hazrat Ibrahim (as) so madame ti aussi présent. Allah dire dans Quran : « **So madame ti deboute, et li fine riyé ; alors Nous fine annonce li (la naissance de) Isaac, et après Isaac, Yaqub. Li fine dire: 'Malheur à moi! Eski mo pou gagne ene zenfant alor ki la vieillesse fine atteindre moi et ki mo mari ici-là li vié ? C'est là vraiment ene kitchose étrange!' Zot fine dire: 'Eski ou étonne ou de l'ordre d'Allah? Ki la miséricorde d'Allah et So bane bénédictions lor zot, Ô bane dimounes de sa la caze là! Li (Allah) vraiment Digne de louanges et Glorieux!' »** (Hud 11 : 72-74).

Mention fine faire ici de Isaac et Yaqub), parski, en effet, bane Israélites zot bane descendant de Yaqub (as). C'est par Yaqub (Israël) ki fine gagne douze tribus.

Fine mentionner dans Ancien Testament : « Bondié dire encore à Abraham : ‘To népli bizin appelle to madame Saraï, c’est-à-dire, ‘Mo princesse’, mais [appelle li] Sarah, ‘La princesse.’ Mo pou béni li, et même mo pou donne toi ene garçon avec li aussi, ki mo pou aussi béni; li pou vine le chef de bane nations, et bane les rois et diverse peuples pou sorti de li.

Abraham fine prosterner, [so] figure contre la terre, et li fine riyer au fond de so lé cœur : Eski ene z’homme de cent ans pou gagne donc ene garçon ? Et eski Sarah pou gagne ene zenfant à l’âge de quatre-vingt-dix ans ? Et li fine dire Bondié : ‘Faire moi la grâce ki Ismaël vive.’ » (Genèse 17 : 15-18).

Nous trouve dans sa bane versets Ancien Testament là ki l’annonce de la naissance de Isaac (as) fine faire kan Abraham et Sarah pas ti en état pou procréer. Bondié fine donc annonce zot la naissance d’ene garçon, et ki de sa garçon là, plusieurs peuples pou vine de li. Par conséquent, douze tribus fine sorti de Yaqub (as).

Au sujet d’Ismaël, pas fine être question de bane peuples, mais de douze chefs. (Genèse 17 : 20). Ce ki veut dire ki bane Bani Israël pou divise en douze peuples, tandis ki bane Bani Ismaël pou constituer ene seule nation. De là aussi pé faire compran ki par Ismaël, Bondié pou rassembler l’humanité (zot tout) sous la bannière de l’unité. Et, voilà, guetter couma la fondation de Ka’aba Shareef fine posé par Ismaël (as), sa même Ka’aba ki pou vine par la suite l’unique centre lor la terre. C’est de so postérité ki Hazrat Muhammad (saws) fine né pour rallier (rassembler) tous bane peuples sous sa bannière de l’unité là.

Si, après avoir décrit en détail la famille et la postérité de Hazrat Ibrahim (as), nous ré-lire sa verset-là : « **Et Kan Allah fine éprouve Ibrahim par certaines paroles et ki li fine accompli zot, Li dire li (Ibrahim) : « En vérité, Mo pou faire toi vine ene chef (Imam) pour bane dimounes. » Li (Ibrahim) dire : « Et [concernant] mo descendance ? » Li (Allah) dire: « Mo pacte pas concerne bane méchants (Zaalim). »** (Al-Baqara 2 : 125).

Nous trouver ki Allah fine faire ene alliance, ene pacte avec la descendance de Hazrat Ibrahim (as), excepter bane méchants (Zaalim). Sa promesse là c’est ki *Imamat* (le *Nabuwwah*) pou être accorder à so postérité. Ainsi, so deux garçons, Ismaël et Isaac ti vine bane prophètes. De bane descendants de sa deux familles

là, Allah fine choisir d'abord Isaac so bane descendants. So garçon (Yaqub) ti vine prophète. Garçon de Yaqub (as), Yusuf, ti vine ene prophète. Puis de la famille de Benjamin (Binyamin) fine ena le prophète Hazrat Musa (as). Tawraat confirme ki en effet sa l'alliance là fine contracté d'abord avec la famille de Isaac. Bondié (Allah) fine aussi dire à Abraham (Hazrat Ibrahim (as)):

« Sarah to femme pou gagne ene garçon ki to pou appelle Isaac, c'est-à-dire, riyé, et Mo pou fer ene pacte avec li, et avec so descendance après li, afin ki Mo l'alliance avec zot li éternelle. » (Genèse 17 : 19).

C'est sa même alliance éternelle ki Allah fine faire avec Hazrat Ibrahim (as). La loi éternelle, c'est sa la loi ki oulé ki à chaque fois ki l'égarement prend racine et filer partout, alor Allah pou suscite ene prophète. Sa l'apostolat là li ene faveur divine accordé à bane justes et pieux, et bane méchants pas pou ena aucaine part là-dans.

« (Rappelez) Kan Musa ti dire à so peuple: 'Ô mo peuple! Rappelle-zot le bienfait d'Allah lor zot, kan li fine choisir parmi zot bane prophètes. Et Li fine faire de zot bane les rois. Et Li fine donne zot saki Li pas fine donner à aucaine les autres dimounes [peuples] avant zot.' » (Al-Maida 5 : 21).

Allah à plusieurs reprises fine attirer zot l'attention lor là : **« Ô bane zenfants Israël, rappelle Mo bienfait lor zot, (Rappel) ki Mo fine préfère zot lor les reste le monde (à sa l'époque là). » (Al-Baqara 2 : 48).**

Allah fine aussi remind zot (fer zot rappelle) sa l'alliance éternelle là en recommande zot pou reste fidèle à sa et pou obéir à So bane commandements, pou pas laisse zot influencer par le mal et vine méchants et Allah fine assure zot ki si zot tenir zot promesse, zot reste ferme lor zot pacte, alor Li aussi Li pou tenir So promesse kot Li pou continuer accorde zot faveur de *Imamat* et de *Nabuwwah* : **« Ô zenfants Israël, rappelle Mo faveur lor zot. Si zot tenir zot bane engagements vis-à-vis Moi, Mo pou tenir Mo bane engagements aussi (vis-à-vis zot). Et c'est Moi ki zot bizin craindre. » (Al-Baqara 2 : 41).**

Mais malheureusement ! Bane Israélites pas fine prendre compte de sa faveur là, zot pas fine estimer sa faveur là à sa juste valeur et zot pas fine capaver tini ferme lor zot pacte. Kan Musa (as) fine être élevé comme Prophète parmi zot, et ki

Allah fine donne zot le Livre de la loi, Tawraat, alors bane Juifs fine commence faire preuve de méchanceté : **« Et [rappelle zot] kan zot ti dire: 'Ô Musa, nous pas pou croire en toi ziska ki nous trouve Allah devant nous !'... Alor la foudre fine saizi zot pendant ki zot ti pé guetter. »** (Al-Baqara 2 : 56).

Pour ressentir la manifestation d'Allah, zot bizin faire bane bons travaux, zot bizin ena ene la foi ferme ki personne pas capave casser, et zot bizin ena ene lé cœur solide, et ki rempli avec ene l'amour complet pou Allah. Mais sa bane malheureux Juifs là ti ouler guette Allah zot, sans ki zot rende zot digne de sa. À la requête de Hazrat Musa (as), Allah fine appelle zot lor Montagne Thor, et kan Li fine manifester Li, zot pas fine capave supporte trouve saki zot fine trouver, et Allah dire Hazrat Musa (as) pou prévenir zot ki ene jour *Nabuwwah* (l'apostolat) pou être enlever de zot et Allah pou donne sa les autres. Alor Hazrat Musa (as) fine adresse so peuple et fine dire zot :

« L'Éternel (Bondié) pou suscite ene prophète parmi toi (Ô peuple), parmi to bane frères, [ene prophète] couma moi ; c'est li ki zot pou écouter ; absolument couma d'après la demande ki to fine fer au Seigneur to Dieu près de Mont Horeb, kot tout le peuple ti rassemblé, kot to (toi – le peuple de Moïse) fine dire : 'Ki mo népli entende la voix du Seigneur mo Dieu et ki mo népli trouve sa difé effroyable là attention ki mo mort.'

Et le Seigneur fine dire moi (Moïse) : 'Tout saki sa peuple là fine dire li raisonnable. Mo pou suscite de parmi zot bane frères ene Prophète ki pou pareil couma toi (Moïse) ; Mo pou mette Mo bane paroles dans so la bouche, et li pou dire zot tout saki Mo pou ordonne li. Si quelqu'un pas ouler entendre bane paroles ki sa prophète là pou prononcer en Mo nom, alor c'est Moi ki pou prend vengeance. » (Deutéronome 18 : 15-19).

Sa prophécie là ena plusieurs volets :

- (1) Fine ena mention du prophète ki pou suscité de parmi bane frères de bane Israélites, c'est-à-dire, bane Ismaélites.
- (2) Sa prophète là pou ene porteur de loi couma Moïse.
- (3) Couma Moïse, li pou ena ene l'épée pour défendre li contre bane l'attaques de so bane l'ennemies, parski ena dans sa prophécie là concernant Ismaël :
« Li pou lève la main contre zot tous et zot tous pou lève la main contre li. »

- (4) So la loi pou être la parole de Dieu ; la parole de l'homme pas pou mélangé là-dans.
- (5) Sa prophète là pou répète la parole de Dieu couma li pou tanne li.
- (6) Celui ki pou détourne li de sa *Shariah* (sa la loi) là pou encoure la vengeance de Dieu, c'est-à-dire, ene jour pou vini kot sa *Shariah* là pou vine le seul ki pou être pratiquer, et ki tous bane l'opposition pou arrêter, et c'est Bondié tousel ki pou préserve sa *Shariah* là.

Sa prophétie là fine accompli par la venue du Saint Prophète Muhammad (saws). Quoiqui l'annonce de sa l'apostolat là ti faire par Hazrat Musa (as) li-même, mais selman Allah pas faire ene peuple subir kit grand punition seulement à cause ene sel erreur. Li donne li l'occasion pou répare so bane erreurs, pou repentir, mais si sa peuple là persister dans so l'égarement, alor Allah puni li.

Alor, le monde musulman bizin prend bane grands précautions pou pas vine aussi ingrats couma bane zenfants d'Israël ; faudé ki en aucaine cas nous pas suivre bane ki pas fine amène la foi dans ene sel Dieu dans zot l'égarement. Dieu Le Tout Puissant, Allah (twa) fine donne nous la meilleure guidance et c'est à nous alor pou suivre So bane commandements parfaits et suivre So bane messagers universels dans l'Ummah Muhammadiyya afin ki So l'Unicité (*Tawheed*) et le bon chemin (*Siratwal Moustaqeem*), en l'occurrence, l'Islam li toujours reste nous 'focus' (nous but) dans la vie.

Ki Allah faire nous vine bane vrais musulmans, non pas bane musulmans que de noms, mais bien bane musulmans ki conne accomplir bane devoirs de l'Islam, c'est-à-dire, pou répandre la paix dans le monde et invite bane dimounes vers Allah (twa) ; faire le **Dawat-i-Allah** pour faire bane dimounes soumettre à sa même Dieu ki Unique, sans partenaire là. *Insha-Allah, Ameen.*